

外之兩忘也兩忘則澄然無事矣無事則定尙何應物之爲累哉心本欲定不能定者念實累之矣若止念存心無所以亂此心者而心自定矣雲門曰初禪念住二禪息住三禪脈住四禪滅盡入乎大定須知定中之道有三焉一曰天生定謂本性寂然原自不動二曰修成定謂涵養純粹自性澄徹三曰宇泰定謂虛心順理行所無事莊子曰宇泰定者發乎天光古之得道者以恬淡養智智生而無以知爲也將睡猶未睡世事無所知身心寂不動便是三昧時在因謂之止觀在果謂之定慧

白髮老人曰兩忘卽顏子之坐忘也能到兩忘何愁不定慧

道藏輯要

養真錄

聖

背集九  
六百八十一

語曰人心如水澄清之可照鬚眉但一撓之天地易位須知慧中之道有三一曰人空慧謂了悟無生無我無人二曰法空慧了諸陰諸法緣假非實三曰空空慧謂了境智俱空是空亦空修定初者忽發神通或知宿命過去之事或知異日未來之事或得他心智辨才無礙此無他我儒所謂至誠之道可以前知者此也學道至此多有貪著世間名利恭敬俱屬有漏神氣因不能固多致尸解須急棄之有漏之法虛妄故也道德經云俗人昭昭我獨昏昏俗人察察我獨悶悶

白髮老人曰水澄可鑑鬚眉心澄可了生死澄到無我無人處便是生死不相關之地鬼神窺不破之機故曰極樂

世界

誠

一部中庸皆言誠也擇善固執求誠之事也參贊位育至誠之功也至誠之謂聖天道也存誠之謂賢人道也法天始能成人盡人可以合天故曰及其成功一也天地之道惟誠故能生萬物帝王之道惟誠故能化萬民聖賢之道惟誠可以備萬善慎獨致曲是日用間求誠最緊要底功夫至誠可以動天地而格鬼神盈天地間無處不見鬼神人雖不見鬼神未嘗不見天地夫鬼神者天地之靈天地者鬼神之迹君子畏天命即所以畏鬼神也世之人敢為不善者只畏人知不畏天知畏人知者偽也小人也畏天知者誠也君子也

道藏輯要

養真集

器

第九集

白髮老人曰儒家去盡虛偽則為至誠至誠者聖人也道家鍊盡陰私則為純陽純陽者真人也殊不知誠即真也真即誠也昔人云天下無二道至人無兩心誠哉是言

孝

孝也者百行之本萬善之原也立身行道終身之孝也服勞奉養一時之孝也古語曰父母全而生之子全而歸之一舉足一開口一動念不敢忘父母無辱身喪心羞親之失可謂孝矣我嘗口天地全而生之人全而歸之一舉足一開口一動念不敢違天地無辱身喪心逆理之失可謂仁矣父母者一家之天地